

ORDNING FOR HØGMESSE MED NATTVERD

Vangskyrkja på Voss

I. samling

1 | Førebuing

Kyrkjerommet skal vere ope ei stund før gudstenesta, med høve til å sitja i stille, i ettertanke og bøn.

Klokkeringing Tre klokkeslag

2 | Inngangssalme

I fall det er prosesjon går den inn under preludiet/forspelet eller inngangssalmen, leia av krossberar.

3 | Inngangsord

Liturgien avgjer kva for inngangsord ein skal bruka. Alternativet her er vanlegast:

Kjære kyrkjelyd. L | Må vår Herre Jesu Kristi nåde, Guds kjærleik og Den heilage Andes samfunn vera med dykk alle.

4 | Samlingsbøn

Liturgien kan velja ei anna samlingsbøn, avhengig av kva søndagen handlar om. Dagens bøn kan nyttast som samlingsbøn, fyrst og fremst på høgtidsdagar.

Samlingsbøna vert innleia med:

ML | Lat oss be.

Til vanleg vert denne samlingsbøna brukt:

Herre, eg er komen inn i dette heilage huset ditt for å ta imot det som du Gud Fader, skaparaen min, du Herre Jesus, frelsaren min, du heilage Ande, trøystaren min i liv og død, vil gje meg.

Lat no opp hjartet mitt ved din heilage Ande så eg kan sørgja over syndene mine, leva i trua på din nåde og saman med heile ditt folk fornyast kvar dag i eit sant og heilagt liv. Gud, vi bed.

A | Amen.

6 | Bønerop kyrie

Kyrie vert sunge.

A | Kyrie eleison, Gud Fader, miskunna deg.

Kriste eleison, Herre Krist, miskunna deg.

Kyrie eleison, Heilag Ande, miskunna deg.

7 | Lovsang gloria

Gloria vert sunge.

L | Ære vere Gud i det høgste

M | og fred på jorda blant menneske som Gud har glede i.

Vi lovar deg, vi prisar deg, vi tilbed deg, vi opphøgjer deg. Amen.

Utvida lovsong kan brukast på høgtidsgudstenester. *Se side 2.41.*

II. ordet

Kyrkjelyden står under evangelielesinga og sit under dei andre lesingane.

8 | Første lesinga

Frå Det gamle testamentet

L/ML | Lat oss høyra Herrens ord.

ML | Det står skrive hjå/i ...

Lesinga vert avslutta med:

ML | Slik lyder Herrens ord.

9 | Salme

Ein kan syngja ei bibelsk salme eller ei anna salme.

10 | Andre lesinga

Frå Det nye testamentet utanom evangelia

ML | Det står skrive hjå/i ...

Lesinga vert avslutta med:

ML | Slik lyder Herrens ord.

9 | Salme

Ein kan syngja ei bibelsk salme eller ei anna salme.

11 | Evangelium

L/ML | Det står skrive i evangeliet etter ...

Lesinga vert avslutta med:

L/ML | Slik lyder det heilage evangeliet.

12 | Preike

Preika kan avsluttast med lovprisinga:

Ære vere Faderen og Sonen og Den heilage ande, som var og er og vera skal ein sann Gud frå æva og til æva.

13 | Truvedkjenninga credo

Truvedkjenninga kan syngjast eller seiast. Kyrkjelyden reiser seg under truvedkjenninga.
Den nikenske truvedkjenninga kan brukast på høgtidsgudstenester. Kyrkjelyden står under truvedkjenninga.

ML/L | Lat oss vedkjennast vår heilage tru.

A | Eg trur på Gud Fader, den allmektige, som skapte himmel og jord.

Eg trur på Jesus Kristus, Guds einborne Son, vår Herre,
som vart avla ved Den heilage ande,
fødd av Maria møy, pint under Pontius Pilatus,
vart krossfest, døydde og vart gravlagd,
fór ned til dødsriket,
stod opp frå dei døde tredje dagen,
fór opp til himmelen,
sit ved høgre handa åt Gud, den allmektige Fader,
skal koma att derifrå og døma levande og døde.

Eg trur på Den heilage ande, ein heilag, allmenn kyrkje,
eit samfunn av dei heilage, forlating for syndene,
oppstoda av lekamen og evig liv. Amen.

14 | Salme

III. forbøn

15 | Kunngjeringar

Kunngjeringane kan avsluttast med at kyrkjelyden reiser seg og minnst dei frå kyrkjelyden som er gravlagde sidan sist kyrkjelyden var samla.

ML | Vi reiser oss og minnst dei i kyrkjelyden vår som det er halde gravferd for sidan sist vi var samla.

Namna vert lesne opp.

Herre, ver nær hjå dei som har mist ein av sine kjære. Lær oss å telja våre dagar, så vi kan få visdom i hjartet. Salme 90,12

5 | Syndsvedkjenning

Synsvedkjenninga vert innleia med:

L | Lat oss bøya oss for Gud og be om tilgjeving.

Til vanleg brukar ein denne syndsvedkjenninga:

A|: Gud, ver meg nådig!

Eg har synda mot deg og svikta min neste - med tankar og ord,
med det eg har gjort

og med det eg har forsømt.

Tilgjev meg mi synd for Jesu Kristi skuld.

Skap i meg eit reint hjarte,

og gjev meg kraft til nytt liv ved din heilage Ande.

Andre syndsvedkjenningar, se side 2.35–2.38.

Lovnadsord

L | Så høg som himmelen er over jorda, så veldig er Herrens miskunn over dei som fryktar han. Så langt som aust er frå vest, tek han syndene våre bort frå

OSS. Salme 103,11-12

16 | Forbøn for kyrkja og verda

Vi har utforma lokal forbøn som normalt brukast i høgmesssa. Litaniyet vert sunge i fastetida. Ein nyttar fredslitaniyet 17.mai.

Vanleg kyrkjelydssvar syngast mellom kvart ledd:

Herre høyr vår bøn.

Ved siste ledd syng ein også: **Amen.**

17 | Takkoffer frå kyrkjelyden

Normalt innsamling i benkane. Dersom ein har utdeling av nattverd ved intinksjon, skal ein samla inn takkofferet rundt alteret. Under innsamlinga kan det vera korsong, solosong eller annan høveleg instrumental musikk eller kan ein syngja éin eller fleire salmar.

Ofringa vert avslutta med ei kort bøn:

L | Evige Gud, di er jorda og det som fyller henne. Alt vi eig høyrer deg til.

Av ditt eige gjev vi deg attende. Ta imot oss og gåvene våre i Jesu namn.

Amen.

IV. nattverd

19 | Førebuing av måltidet

Salme

Brød og vin blir sett på altaret, dersom det ikkje vart gjort då gudstenesta tok til.
Ein legg brød på disken og heller vin i kalken.

20 | Takkseiing og bøn

Helsing prefasjonsdialog

L syng eller seier | Herren vere med dykk.

K reiser seg og syng | Og med deg vere Herren.

L | Lyft dykkar hjarte.

K | Vi lyfter våre hjarte til Herren.

L | Lat oss takka Herren vår Gud.

K | Det er verdig og rett.

Innleiande lovprising prefasjon

Som hovudordning brukar vi prefasjonen som er knytt til kyrkjeåret (sjå side 2.67–2.70), eller liturgen kan bruke lovprisinga som er tilpassa den einskilde nattverdsbøna (sjå side 2.71–2.78).

Heilag sanctus

A syng | Heilag, heilag, heilag er Herren Sebaot. All jorda er full av din herlegdom. Hosianna i det høgste. Velsigna vere han som kjem i Herrens namn. Hosianna i det høgste.

Nattverdsbøn med Innstiftingsorda verba Alt.E

Som hovudordning brukar vi alt E. Liturgen kan velja ei annan ordning ved særskilte høve.

L | Heilage Gud, du har skapt oss i ditt bilete og gjeve oss livet i gåve. Vi takkar deg for Jesus Kristus, verdsens frelsar. Han døydde og stod opp att, så vi ved trua på han får tilgjeving for syndene og evig liv. Vi takkar deg for dåpen, der vi blir fødde på nytt, og for nattverden, der du samlar oss som din store familie.

Vi bed deg: Send din Ande over oss og over dine gåver. Gjer oss til eitt med kvarandre og med Jesus Kristus.

Innstiftingsorda verba

L | Vår Herre Jesus Kristus, i den natta han vart sviken, tok han eit brød, takka, braut det, gav læresveinane og sa: Ta imot og et! Dette er min kropp som blir gjeven for dykk. Gjer dette til minne om meg. Like eins tok han kalken etter måltidet, takka, gav dei og sa: Drikk alle av den. Denne kalken er den nye pakt i mitt blod som blir utrent for dykk så syndene blir tilgjevne. Kvar gong de drikk av han, så gjer det til minne om meg.

L | Gud, ta oss alle i din famn, slik ei kjærleg mor samlar borna sine om seg. Gjev oss å elska kvarandre, slik du elsker oss. Lat dei små bli lyfte opp og dei svoltne bli metta med gode gåver.

Liturgen og/eller eitt eller fleire born seier:

Saman med alle dine born bed vi den bøna Son din har lært oss.

Fadervår

Kan lesast eller syngjast.

A | Vår Far i himmelen.

Lat namnet ditt helgast.

Lat riket ditt koma.

Lat viljen din råda på jorda slik som i himmelen.

Gjev oss i dag vårt daglege brød,

og tilgjev oss vår skuld,

slik vi òg tilgjev våre skuldnarar.

Og lat oss ikkje koma i freisting,

men frels oss frå det vonde.

For riket er ditt og makta og æra i all æve.

Amen.

21 | Nattverdsmåltidet

Fredshelsing pax

L | Guds fred vere med dykk.

K | Guds fred vere med deg.

Du Guds Lam agnus dei

A syng | Du Guds Lam, som ber all verdsens synder,
miskunna deg over oss.

Du Guds Lam, som ber all verdsens synder,
miskunna deg over oss.

Du Guds Lam, som ber all verdsens synder,
gjev oss din fred.

L | Kom, for alt er gjort ferdig.

Utdeling

Som hovudordning har vi kontinuerleg nattverd med knefall ved altarringen.

Under utdelinga kan det vera korsong, solosong eller annan høveleg instrumental musikk eller kan ein syngja éin eller fleire salmar.

Utdelingsorda lyder slik:

Dette er Jesu lekam.

Dette er Jesu blod.

Den einskilde kan svara: **Amen.**

Born og andre som kjem fram og viser at dei ikkje skal ta imot nattverden, blir velsigna av den som ber brødet, med handspålegging eller krossteikning. Som velsigningsord tilrår ein å bruka desse orda:

Herren velsigne deg og vare deg og føre deg til det evige livet.

Etter utdelinga:

Jesus Kristus har no gjeve oss sin heilage lekam og sitt dyre blod som han gav til soning for alle våre synder.

Han styrkje oss og halde oss oppe i ei sann tru til det evige livet.

Fred vere med dykk.

22 | Avslutning av måltidet

Takkebøn

Til vanleg brukar vi denne takkebøna når høgmessa har nattverd.

L/ML | Himmelske Far, takk for dine velsigna gåver. Vi bed at du ved desse gåvene vil halda oss fast i trua på deg, sameina oss i din kjærleik og stadfesta i oss vona om det evige livet, for Jesu Kristi skuld.

Kalken og disken blir dekte med kalkkledet.

V. Sending

22 | Salme

Kyrkjelyden står under siste salma.

23 | Velsigning

Lovprisning benedicamus

Normalt:

L syng | Lat oss prisa Herren.

M | **Gud vere lova. Halleluja. Halleluja. Halleluja.**

Velsigning

L seier eller syng | Herren velsigne deg og vare deg.

Herren late sitt andlet lysa over deg og vere deg nådig.

Herren lyfte sitt åsyn på deg og gje deg fred.

A | **Amen. Amen. Amen.**

Tre ganger tre bøneslag

25 | Postludium

26 | Utsending

L | Lat oss gå i fred.

A | og tene Herren med glede.